

咸同貴州軍事史

第四冊

咸同貴州軍事史

貴陽 凌惕安 編著

第二編 漢族之運動中

第四十一章 白號之役

打起發

劉儀順來黔

白布裹首爲號

練首與通

咸豐七年丁巳八五冬十二月思南府致和團白號起致和團夙與府屬及石阡屬各團聯絡勢頗大有自餘慶黃平苗教裹脅中歸者多所獲曰打起發民羨之有鐙花教首劉儀順者四川涪州人年七十餘鬚長過腹白眉長寸許詭稱九十餘歲衆稱曰劉祖祖食齋拜鐙徒黨徧川黔秦隴兩湖寢致擾害治安川中索之急因來黔復扇惑團衆藉捐輸急聯團抗官安化南百里之江家寨首何冠一父子爲之副一作觀益官一羣稱教首曰老先生以白布裹首爲號故曰白號黔中教黨至是咸奉儀順爲教主思南府知府福奎部練首趙金聲與白號通柔遠團廉得以告且請圖之福奎懼激變不許旣而人和團亦告變始飭差會緝然冠一已與璇家壩田教頭等樹旗舉

思南府之陷

分黨四掠

圖龍泉

印江縣之陷

脅從益衆

事府北四十里之鸚鵡溪矣 初五日突至近城大巖關金聲縱火啓之自山後入城中秩序大亂思南府城陷署知府福奎經歷鍾策勳安化訓導孔廣燮署守備陳士蛟把總趙以成軍功彭新元張慶祺程清舉人金世瑞均被害署安化縣知縣吳雲煦典史壽其仁署游擊富珠隆阿把總李仕能張鳳翔亡去男婦被害及走擠入江者三千餘人乃大掠歸分黨東北略印江西北略婺川西南圖石阡西圖龍泉湄潭初七日石阡府知府黃培杰遣軍功孫學懋守備王士秀等援出塘頭獲金聲殺之思州府知府韓超亦遣兵練至石阡敵復回府城搜括分劄大巖關潮砥 初九日圖龍泉縣城知縣茹含章率衆守含章妻誤聞城陷自盡敵旋去黃家池火神坳 時印江袁家灣有警十九日署知縣鄧玲筠出禦之夫子壩白號乘虛遂陷印江縣城據白雲蔓士秀分援印江 其圖湄潭者據羸馬店走綏陽場南略至峯巖場復圍龍泉外委方榮春出禦不利湄潭練適來始解當事初起不二十日分黨侵略數縣脅從益衆練團莫敢攬至

江炳琳遷白號入遵路

蔣玉龍授貴州提督剿白號

白號出烏江東西岸

周夔辦思南軍務

是遂不可治 鎮遠府知府吳登甲上言於黃培杰韓超與四川北鎮總兵蔣玉龍等曰現至塘頭進剿有功甚善惟賊志在劫掠既飽所欲乃散歸巢穴兵練不能深入持久則糧饟不繼殊非長策聞柔遠人和各團於賊去後已收復府城不如卽令團剿辦地道既熟首從姓名居止不難周知責以禽渠散脅重懸獎勵較兵練似易奏功或慮不相下再以明幹之員統率駕馭之更足相與有成 遵義縣知縣江炳琳遣典史吳賓燕廣西訓導秦安慶等往扼永興場遏白號入遵路并聲援龍泉

咸豐八年

戊午 一八五八

春正月四川北鎮總兵蔣玉龍補授貴州提

督剿辦思南府白號是時白號愈散據寨堡分出烏江東西岸四道侵略軍功孫學懋同千總潘忠友敗敵安化西南百二十里之鳳凰山王士秀同軍功周德勝援至印江鄧玲筠方敗敵官莊屯又同敗敵大田卒中伏士秀德勝併沒玲筠再擊之袁家灣敵回潮砥於是巡撫蔣霽遠檄銅仁府知府周夔馳辦思南軍務思銅石援軍皆屬

數遠龍泉

鄧第武兄第三人之慷慨樹義

湄潭團練分防要隘

之夔乃率鎮筲勇鳳凰廳乾州土兵道印江出潮砥鄧玲筠因遣把總蕭明士出銅鼓垭自會夔潮砥擊敵仁洞 夔至則與韓超議以玲筠出敵後攻璇家寨自率舉人饒以爵及武生安定邦攻江家寨超出塘頭桶口攻一椀水時白號再入府城大略去玲筠旋毀上下搭平而進以爵等亦分敗許家壩敵合生員孫濂軍出暗溪超擊破一椀水敵營將進暗溪仍爲敵襲據死亡頗衆復退塘口 白號數逼龍泉縣城茹含章檄武生李祖香軍功李璠同湄潭團援至鄧家池卻之敵復出峯巖場西南略巡檢司朱家場擊潰餘慶防軍從九毛精一武生徐騰輝并歿敵攻城急含章假江炳琳防軍幟敗之是時石阡大坪地人和團畏白號勢盛欲納款免禍邑人鄧第武兄第三人獨抗言不從曰從賊而生辱甚於死大丈夫甯死不爲也不如齊心抵死相抗我有薄產願供軍食倘一戰而勝固善萬一不濟死亦香耳衆壯其言聚衆夜起而石阡所遣把總方凌漳方擊敵長林壩與從子榮發戰敗江西判官頭於是湄潭會遵義團練分防大

鄧第武一門忠憤

白黃號合

堰塘馬鬣嶺杉樹均偏刀水各隘遏敵 二月思南團練與江家寨敵相持周夔遣經歷瞿洪先軍功李宣圖寬平黃壩會饒以爵孫濂合攻之鄧第武亦以所部歸以爵夔移軍黃壩以爵先折攻亭子壩頗有斬禽會夔得援省檄遂率軍勇同洪先等赴省以軍事交署思南府知府周獻廷接辦廷至則令以爵分扼各隘不亟圖敵 三月致和衆益自日頭巖折回饒以爵等不支退守絲巖鄧第武兄弟第甲第第舉沒於陣第武慘痛之餘誓死從軍再接再厲不稍餒黃號時至板平塘東瓜溪黃白號遂相結合蔣爵遠嚴檄獻廷回守不至夏四月白號復逼思南府城襲陷試用府經歷汪應濤營 蔣爵遠復嚴斥周獻廷取巧避匿株守無事之處虛糜餉需檄令速返府城卒不至時蔣玉龍自鎮遠率兵赴思南 五月白號走圍饒以爵於大尖頂蔣玉龍先後遣外委黃應春軍功冷致和援之汪應濤亦赴以爵突圍得脫生員朱潤南及兵練百餘皆沒於陣 初玉龍遣都司馬旭林先至石阡數月至是始出次桶口 六月白號略至永和

白號相走援

出偏刀水過石阡

申水煙三招白黃號圖正安

場黃家池茹含章檄李璠禦之東山場亦潰多死傷含章祈援蔣霽
遠檄候選縣丞桂蕊香自平伐赴之 蔣王龍先遣馬邊千總鍾朝
清防漆樹平自老鷹巖諸團被黃號潰卽被困至是復遣馬旭林援
之王龍所率兵凡七百七十餘名先以二百名赴思南朝清所率三
百五十名王龍僅以二百名駐塘頭因募苗練六百并議調鎮遠川
兵盡赴思南 秋九月自城頭蓋至峯巖場宋家坡二層巖數十百
里間小道互通白號黃號得相走援萬佛山最高窺清軍最瞭因據
之四出爲龍泉患士午大都壩河壩塘皆其出沒之區清軍處處戒
嚴候選縣丞桂蕊香旣至龍泉出劄彰教壩以其弟候選從九桂枝
高攻白巖土井不利清吉團軍功何守剛陣沒土井東山諸敵皆附
二層巖 白號出偏刀水偪石阡知府黃培杰急策防 十一月申
水煙三名文超招致白黃號圖正安上都壩防練潰回葛林窩遂趨
丁木坎卒至青家灣正安州知州于鍾岳方攻桐梓石筍楊龍喜餘
黨未下聞警以軍付桐梓縣知縣江炳琳亟馳回州檄團嚴守而自

桂蕊香戰沒

防軍潰沙堆

率軍逐敵出旦平上壩連戰皆勝練目姚汝勤禽僧勝海等敵遂退
回婺川申等先分黨出神溪側溪團首胡先科亦敗之禽申三山申
先靖是時事起倉卒婺正沿途二百里多從之于鍾岳乘機迅發直
達婺川人心悉定 十二月桂蕊香及武生句如蘭擊敗龍泉敵敵
併入廟壩

咸豐九年

己未 八五九

春正月白巖土井敵走犯馮家坳桂蕊香因遣

練出綏陽場毀土井

二月土井敵走還二層崖卒犯東山營蕊香

軍亦潰

三月十一日龍泉二層崖敵陷東山場營候選知縣桂蕊

香力戰沒敵逼彰教壩茹含章集散練扼守大石坳祈援蔣王龍會

敵糧盡四出寺頂山學堂平陷馬瑙山八角山營王龍遣防諸軍潰

沙堆瑪瑙八角皆沙堆通衢餉道頓阻風神閣通銅鼓山紅巖老鴉

窩三路皆距敵近地亦四達且險要馬旭林前襲取不能守復陷富

珠隆阿尙攻土地山亦敗外委高聯魁陣亡老鴉窩遂出風神閣王

龍禦之八卦山僅遣練援龍泉蔣爵遠亦遣游擊兆喜與江炳琳及

湄潭縣知縣廖遇春赴援以從九桂枝高接管蕊香練敵再陷魚塘
坳 白號劫掌溪團營廩生趙鍾璵陣亡 夏四月初二日龍泉魚
塘坳敵破大關壩屯平老鴉窩土地山諸敵屢與蔣玉龍持悉由栗
樹坳趨陷馬鬣嶺諸團營玉龍以馬旭林率川兵二百餘人馳援會
廖遇春亦遣湄潭團練八千人來會復大關旭林入龍泉夜敵復至
湄潭團練潰遇春退新化鋪敵踰康壩陷桂枝高營高梁山枝高走
入縣城遇春西走永興場敵直至抵水皆坦道無可守旭林亟往集
湄潭練扼抵水攢子崖江炳琳方至永興場會傷發以訓導張師敬
往遇敵河家壩退走抵水攢子崖又失旭林亦走永興自馬鬣嶺至
高梁山三四十里皆敵日逼攻茹含章及枝高等嬰城守 五月初
五日龍泉各敵稍稍走回思南桂枝高馬旭林廖遇春張師敬等乘
虛復栗樹坳馬鬣嶺大關魚塘坳諸隘縣城圍解餘敵聚紗帽山遇
春旭林等擊走之復火斃二百餘敵於弔嘴崖洞枝高再攻高梁山
敵恃二層崖城頭蓋爲援不克遇春請添軍由屯平土地山並進遙

與蔣玉龍應使敵腹背受敵而玉龍久與土地山寺頂老鴉窩敵相持不下遵義府知府竇奉家會江炳琳上言玉龍駐偏刀水堅壁自守老師糜餉致敵愈聚愈多姚安邦猶頓塘頭捐輸募練千二百人屢報擊敵實未渡江一步六月覃崽崽二等擊破千總余占鰲於

龍洞山營占鰲走三岔河團練望風潰蔣玉龍先後遣千總呂占青

與馬旭林馳援寺頂學堂平各敵亦起應占青敗走慙溪旭林潰圍

走鳳凰山千總陳占魁外委劉祥哈全林陣沒玉龍退扼泥粃橋反

偏場敵路敵自沙堆進犯普利均李疑即苦轉陷三角山團營白號

渡婺川豐樂河

源出縣西南綏陽場東北流至龔灘入烏江

破官壩集田家平婺川縣知

縣黃君澤自細沙溪回援秋七月初六日沙堆敵再破馬旭林鳳

凰山附近紅崖老鴉窩各營皆潰敵遂逼偏刀水蔣玉龍大營分掠

永興場四達無阻廖遇春方擊龍泉敵撮箕山同桂枝高走援玉龍

復奪據鳳凰山敵轉陷觀音山團營玉龍旋移守泡木寨黃君澤

破走白號於羅平壩羅口礮進至獨山婺川南三十里山立如一徑可通周五六里

楊德友斬致和團首

白號據偏刀水

湄潭縣之陷

九月楊德友破覃家壩禽斬致和團首覃登賢等 高粱山敵與桂

枝高久相持白巖敵首宋福以魚跳塘龍泉白二十里土小屯敵來

助枝高擊斬之魚跳塘亦降 冬十月白號連陷三尖峯普利均而

進川軍都司薛占超富珠隆阿及守備劉文明等皆棄營走外委陳

炳南陣沒川軍盡潰敵據偏刀水王龍馬旭林退杉樹拗敵迤追至

再退興隆場二十二日遂陷湄潭潭縣城提督蔣王龍署知縣廖遇春

走三度關有上度中度下度三關連東百十里界湄潭先是縣城久

圯既集資修築工甫半王龍輒以餉乏遽提銀給軍縣屬富戶輸給

王龍軍者復累萬搜括略盡城工無出不能守故陷王龍不復成軍

逃兵潰練悉附敵勢益張乃調姚安邦來援安邦時頓雷公門爲黃

培杰約防龍溪屢報捷得檄不至敵因分據永興場馬頭山掠黃心

樹防軍悉潰茹含章桂枝高自高粱退保龍泉縣城蔣爵遠檄遵義

正安綏陽援剿護貴西道寶奉家署遵義知府吳德溥檄代綏陽縣

知縣鄧爾巽募千練由藍旗壩進檄正安州知州于鍾岳調團練千

白號自湄潭趨遵義

江炳琳力戰死

入三度關

屏藩一撤敵蹤徧於邊郊

人馳防馬頭山並檄調仁桐練二千人付江炳琳進剿麇遠以周獻
廷剿辦久無功檄徐河清之思南府任接辦 十一月白號既陷湄
潭多趨遵義東南署遵義知縣同知直隸州固勇巴圖魯江炳琳調
團未集先以五百人由黃灘渡河黃灘江爲湘洪安
湄潭四水會成之江馳至團溪十
三日敵驟至練潰炳琳單騎走回未入城亟調仁桐練三千同往仍
未集吳德溥趣急進炳琳先馳至隆平敵已集兩路口麾軍進擊敗
之夜分草創數營俄敵大至團練無多且罷甚盡潰炳琳突圍走未
一里函山起伏炳琳力戰負創不能脫遂自刎沒遵義協李成錦先
奉檄與炳琳會剿甫至中興場鄧爾巽同廣西訓導秦安慶張師敬
軍功鄢正達等率團練擊敵蝦子場九龍場敵尋入三度關遵東崇
峯隱天互若長城俗曰嶺子南卽三度關也爲自府道湄甕者所必
經嶺北板角關道出綏陽二關南北相距八十里中皆叢崖峭壁無
道塗可徑實府東保障思南湄甕白號黃號覬覦府地率至崖而反
鄉團扼守頻年楊龍喜鄒神保起後府境安謐者率賴此至是屏藩

胥撤敵蹤徧於遵郊玉龍自五年率普馬峨川北官兵由酉秀入黔移師鎮遠初時米折鹽菜銀兩均鐸自川欠發亦少迨師久無功玉龍旋移剿思南留鎮者欠餉至八九月遂潰府城隨陷八年玉龍補授提督仍轄川滇黔三省官兵然所部亦僅川兵比年由石阡塘頭進圖思南阻險不進老守偏場就地採米濟軍欠餉亦鉅兵民交頽穀儲垂盡玉龍富珠隆阿馬旭林薛占超先後潰至關殘兵稍稍集僅百餘人玉龍乃悉遣回蔣霽遠奏劾之旋奉上諭貴州提督蔣玉龍前因湄潭失守援剿不力降旨交部議處乃自移劄三度關後兵練逃潰招集不至並將存餘川兵悉數遣撤另行籌辦各情形咨會該撫殊堪詫異該提督以帶兵大員統轄全省當軍務吃緊之際不能申明紀律致軍心散潰賊匪蔓延實屬威令不行難期振作蔣玉龍着先行革職並拔去花翎仍留貴州軍營責令戴罪自効倘再不知愧奮卽行從嚴參辦所有貴州提督印務著記名總兵田興恕署理督辦該省軍務欽此 龍泉高梁山敵因茹含章等退守益合永

與敵進逼馬頭山綏陽場二防營間爲縣援不可恃含章以李寶屯地險遣團馳守爲犄角敵薄縣城桂枝高出禦屯團自後躡擊敵走新化鋪團練亦多死傷敵之西趨湄潭也思南西南略紆西北敵仍竄走無定所徐河清至檄□□汪麗金繆煒李騰蛟及團首李春華安定邦分道進剿河清旋進毛田平十二月李成錦敗敵團溪又會團首李崑山再敗敵上溪敵走據羊巖關蔣玉龍張師敬亦東敗敵度上關代理施秉縣知縣許權進至梭米孔鄧爾巽秦安慶旋擊走楊二坎茅坡場敵與權會進箱子壩于鍾岳遣軍功楊榮等擊破余家山老鴉山敵將援龍泉會廖遇春自荷包場集團進約諸軍復湄潭於是爾巽出土地埡安慶出雞場河于鍾岳仍留軍功王啓瑞等攻廟壩顧龍泉自出牛渡河刻期會軍湄潭而永興高梁諸敵方急攻龍泉桂枝高出禦敗走馬頭山潰練多變從敵含章復集河清等團嬰城守于鍾岳遂由馬頭山會龍泉諸團破敵鎧龍山三把車進復永興場含章因集軍功李璠等團乘勢出擊敵解退偏刀水

汪麗金攻捲子平不下

宋家坡天神堂同時啓瑞軍亦破川江台兩敵營廟壩仍不克是時徐河清自毛田平遣委員孫長源等擊雷公堡遣楊德友擊潮窪自擊天池蓋破之汪麗金繆煒等屢攻班鳩洞捲子平不下思南營營兵楊光華中礮沒軍稍却姚安邦駐瓦窰嘴距敵三四十里會龍泉圍解敵多回竄文家店甕溪司十七日安邦同把總楊文和以所部川軍由印江遁回四川麗金卽率候選知縣饒以爵馳赴塘頭以軍功安奪標等扼河防仍馳回潮砥剿捲子平潮砥塘頭爲府城南北門戶安邦以川兵二百駐塘頭二年敵至輒走多糜糧餉復括民財略盡至是誘挾婦女數十人而去

咸豐十年

庚申

八六

春正月初一日廖遇春于鍾岳鄧爾巽秦安慶

擊走湄潭附城湄水上水三十餘寨進復縣城走牛場水涯子錫落關落花平偏刀水宋家坡張師敬將圖牛場以湄潭團首袁國楨進葛尖峯練目趙懷邦等進毛田平悉從清軍國楨進攻落花平教首劉么老拒守師敬聞李成錦等擊破羊崖關敵營圖與會慮落花平

略遵義東南

糧木國敵勢甚張

田興恕籌進規計

敵襲其後再遣把總黎炳南助攻破之敵復回陷營沒練丁七百餘人敵追至水涯子遇安慶練援擊始退師敬至毛平敵亦踵至師敬走牛場敵以難民反覆屠之死數千人分略度上關師敬祈罷以安慶統其軍 二月初八日湄潭白號略遵義東南甚秦安慶先以練團四千餘營水涯子敵陷之亡三百餘人軍功宋正邦練目蔡文浩自興隆場來援亦敗會安慶援至同退餘慶火樹坳地爲遵綏要道敵據興隆場與相持李成錦時同知縣許權剿豬場敵敵走襲權營仁院成錦又乘虛襲據豬場仁院扼豬場後路與亭子壩敵相犄角又進母鷄園一作大台山諸敵紛出勢張甚成錦戒烏江諸團堅扼九黃渡團首趙洪渡江擊敵敗死拖船壩於是貴西道寶奉家遵義府知府吳德溥遣候選府經歷楊詠棠等進度上關五里坎分敵勢遣于鍾岳等由永興場楊二坎援火樹坳不能進復退李村敵轉陷餘慶中關練營至龍孔袁國楨圖由窰山進援會敵偏牛場國楨不支亦退塘頭河 三月田興恕自銅仁籌進規計奏以思南石阡爲

楚黔要道請先肅清兩府繼剿湄甕殲除賈何綏定省城再圖都麻黃平苗衆於是分遣副將田興奇以二千人援石阡副將沈宏富以二千人援印江參將劉吉三以千五百人援思南自駐石阡策應遣官四出勸諭紳民捐輸助餉分道設局抽釐時徐河清連二十餘營護沿河司大道天池蓋敵據如故汪麗金因藉團冒練漁軍餉既復減撤團練圖省糧捲子平敵遂出潮砥袁家坨進逼黃家山麗金退保江村參將李騰蛟約辦思石鎮團務委員勝秉縣丞計遠長以團衆千餘至河東合攻敵稍却十七日宏富率參將周學桂府經歷朱廷桂游擊熊煥章全祖凱彭廷勝守備孫殿元援至印江敵方偪城十九日擊敵楊家平學桂等陣殪敵首安太然敵望風走乘勝北破轎子頂西破大羅壩斬敵首冉大方袁長喜等餘敵趨捲子平沙子坡龍塘 閏月十二日沈宏富率軍進攻捲子平劉吉三軍亦援至大羅壩因約吉三擊牌坊分賊勢而自率周學桂全祖凱彭廷勝熊煥章等分趨捲子平賊拒戰都司毛良貴陣沒諸軍奪隘齊進破斬